

IKT sektoreko enpresen % 32,4 berritzaileak dira eta % 7,3k I+G egin dute 2021ean Euskal AEn

Berrikuntza, I+G eta merkataritza elektronikoa nabarmentzen dira IKTen sektorean, gainerako sektoreekin alderatuta

IKT sektoreko enpresen % 32,4 berritzaileak dira, eta % 7,3k barneko I+G egin dute 2021ean Euskal AEn, sektoreen guztizkoaren % 19,9ren eta % 1,0ren aldean, hurrenez hurren, Eustaten datuen arabera.

2021ean, IKTen sektorea Euskal AEko ekonomiako lanpostuen % 2,3 eta enpresen % 1,9 izan zen. Gainera, balio erantsi osoaren % 2,1 izan zen, hau da, 1.662 milioi, eta 4.441 milioi euroko negozio-zifra lortu zuen.

Zifra horiek, aurten ere, datu positiboak dira 2020. urtearekin alderatuta, bai enpresa-kopuruak (% 1,5), bai enplegu okupatuak (% 3,4) gora egin baitute. Orobat, negozio-zifraren datuak ere hobetu dira, % 9,2 igo baitira aurreko urtearen aldean, eta balio erantsia, % 2,0.

2010etik, eskuragarri dagoen serie historikoaren lehenengo urtetik hain zuzen, IKTen sektorean bildutako enpresen kopurua % 34,1 hazi da, eta lanpostuak, berriz, % 12,8.

Zehazki, 2021ean 2.804 enpresa eta 25.051 lanpostu zenbatu ziren sektore horretan, 2010az geroztik izan diren balio maximoak, eta enpresen batez besteko tamaina 8,9 pertsonakoa izan da.

Euskal AEn IKT sektoreko magnitude nagusiak lurraldeka eta jarduera ekonomikoaren arabera. 2021

	Enpresak (1)	Lanpostuak	Negozio kopurua (2)	Balio erantsi gordina cf (2)
IKT sektorea, guztira	2.804	25.051	4.440.969	1.661.917
Lurralde historikoa				
Araba/Álava	387	2.873	456.417	160.412
Bizkaia	1.679	14.893	2.953.426	1.103.732
Gipuzkoa	827	7.285	1.031.126	397.773
IKT manufaktura-industria	81	4.582	594.948	212.480
Merkataritza eta IKT zerbitzuak	2.723	20.469	3.846.021	1.449.437

(1) Baliteke enpresa-kopuruaren lurralde-batura ez etortzea guztizko kopuruarekin

Jarduera duten lurralde historiko bakoitzean behin zenbatu dira, eta EAE osoan behin bakarrik.

(2) Milia euro

Data 2023ko Uztailaren 19a

Iturria: Eustat. Informazioaren eta komunikazioaren teknologien IKT sektorearen estatistika


IKT sektoreko enpresek sektore guztiak batera hartuta baino I+G+B jarduera gehiago egiten dituzte

IKT sektoreak, Euskal AEko enpresa guztien % 1,9 bakarrik izan arren, I+G egiten dutenen % 13,8 biltzen du eta, 101,1 milioi euroekin, enpresa-sektoreko barneko I+Gko gastu osoaren % 7,9 gauzatzen du.

Gainera, IKT sektoreko enpresen % 7,3k barneko I+Gko jarduerak egiten ditu, eta ehuneko horrek nabarmen gaitzen du sektoreen guztizkoan erregistratu zena, % 1,0koa izan baitzen.

2021ean, sektore horretako 1.721 langile aritu ziren I+Gn, “dedikazio osoko baliokidetzan”, eta horietatik % 22,7 (390) emakumeak izan ziren. IKT sektorean aritzen ziren I+Gko 1.721 pertsona horiek I+Gn diharduten enpresen sektoreko langileen % 11,6 ziren, eta, konparazioa I+Gko langile guztiekin egiten badugu, % 8,3 ziren.

Euskal AEko I+G+b IKT sektoreko enpresetan eta sektore guztietako enpresetan (%). 2021



Iturria: Eustat. Informazioaren eta komunikazioaren teknologien sektorearen estatistika-IKT

Berrikuntzan, I+Gn bezala, alde nabarmenak daude sektoreen guztizkoaren eta IKTen artean. Halatan, 2021ean, IKT sektoreko establezimenduen % 32,4 berritzaileak izan ziren; sektore guztiak batera hartuta, aldiz, % 19,9. Enpresaren tamaina kontuan hartuz gero, “10 langile edo gehiago” dituzten enpresetan % 51,5 lortu zen, eta % 32,6 sektore guztiak batera hartuta.

Berrikuntza-jardueretan egindako gastuari dagokionez, IKT establezimenduek 343,7 milioi euro bideratu zituzten, sektoreen guztizkoaren gastuaren % 11,3. Gastu horretatik, 294,1 milioi “10 langile edo gehiago” dituzten establezimenduei zegozkien, hau da, tamaina horretako enpresen gastu osoaren % 11,2.

Euskal AEn IKT sektoreko Berrikuntzaren garrantzia eta I+Gko intentsitatea, lurralde historikoaren, jarduera ekonomikoaren eta enplegu-geruzen arabera (%). 2021

	Guztira		10 langile edo gehiago	
	Berrikuntza maila (1)	Barruko I+G maila (2)	Berrikuntza maila (1)	Barruko I+G maila (2)
SEKTOREAK, GUZTIRA	1,69	0,92	2,26	1,34
IKT sektorea, guztira	6,35	2,17	6,28	2,45
Lurralde historikoa				
Araba/Álava	2,42	1,38	2,96	1,74
Bizkaia	6,81	1,89	7,52	2,10
Gipuzkoa	7,56	3,50	4,52	3,95
IKT manufaktura-industria	4,36	3,97	4,36	3,96
Merkataritza eta IKT zerbitzuak	6,67	1,88	6,64	2,16

(1) Berrikuntzaren garrantzia: (berrikuntzako gastuak/negozioen kopurua)*100

(2) Barruko I+Garen garrantzia: (barruko I+G gastuak/negozioen kopurua)*100

Data 2023ko Uztailaren 19a

Iturria: Eustat. Informazioaren eta komunikazioaren teknologien IKT sektorearen estatistika

IKT sektoreak ere sektoreen guztizkoak baino baliabide-proportzio handiagoa bideratu zuen I+G+Bra, gastura bideratzen dituen zifrek adierazten duten bezala, bai berrikuntzan, bai barneko I+Gn, negozio-zifrarekin alderatuta (intentsitate-ratioak berrikuntzan eta barneko I+Gn). Zehazki, berrikuntzako intentsitatea 6,4 da sektore horretan; sektore ekonomiko guztiak batera hartuta, berriz, 1,7 da. Barneko I+Gren kasuan, ratioa 2,2 da IKTen sektorean, eta 0,9 guztizkoan.


Merkataritza elektronikoa IKT sektorean hedatuago dago sektoreen guztizkoan baino

IKT teknologien erabilera oso hedatuta dago sektore honetako enpresetan. Izan ere, Internet eta posta elektronikoa % 99,8ra iristen dira; sektoreen guztizkoan, berriz, % 92 baino zertxobait gehiagora. Era berean, IKT sektorean webguneak dituzten enpresak % 71,6 dira, eta sektoreen guztizkoan, berriz, % 57,5.

Merkataritza elektronikoa ere gainerako sektoreetan baino askoz garatuago dago. IKT sektorean bitarteko horren bidez erosi zuten establezimenduak % 67,1 izan ziren, eta salmentak egin zituztenak % 10,7; sektoreen guztizkoan, aldiz, % 25,0 eta % 8,3 izan ziren, hurrenez hurren.

Horrenbestez, merkataritza elektronikoa IKT establezimenduen % 67,6n egiten zen 2021ean, eta sektoreen guztizkoan, berriz, % 28,0n.

Euskal AEko IKT teknologien erabilera (%). 2021



Iturria: Eustat. Informazioaren eta komunikazioaren teknologien sektorearen estatistika-IKT

Azkenik, IKT sektoreak ondasunen kanpo-merkataritzan duen eragina ez da oso esanguratsua: esportazioak 373,2 milioi euro izan ziren 26.021,9 milioiko guztizko kopuruaren aldean, eta inportazioak, berriz, 558,0 milioi 21.282,4 milioiko guztizkoaren aldean, hau da, % 1,4 eta % 2,6, hurrenez hurren.

Truke horietan ohikoenak diren produktuen artean, hauek nabarmentzen dira esportazioetarako: *Beste IKT produktu batzuk* (% 40,1) eta *Osagai elektronikoak* (% 37,4). Inportazioetan, berriz, honako hauek: *Beste IKT produktu batzuk* (% 31,7), *Osagai elektronikoak* (% 29,9) eta *Telekomunikazio-ekipoak* (% 20,9).

Ohar metodologikoa:

IKT sektorea manufaktura-industriek eta zerbitzu-industriek osatzen dute, zeinen jarduera nagusia informazioaren eta komunikazioaren teknologien garapenarekin, ekoizpenarekin, merkaturatzearekin eta erabilera intentsiboarekin lotuta dagoen. Sektoreak berrikuntzako, aurrerapen teknologikoko eta produktibitateko tasa handiak ditu ezaugarri; beraz, eragin handia du jarduera ekonomikoan. [Eustat web-a. Fitxa metodologikoa: IKT sektorea](#)

Informazio gehiago nahi izanez gero:

Eustat - Euskal Estatistika Erakundea / Instituto Vasco de Estadística
Donostia-San Sebastián kalea 1, 01010 Vitoria-Gasteiz
Prensa-zerbitzua: servicioprensa@eustat.es Tel.: 945 01 75 62